

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՇՎԵՔՆՆԻՉ ՊԱԼԱՏ



ԸՆԹԱՑԻԿ ԵԶՐԱԿԱՑՈՒԹՅՈՒՆ

**ՀՀ ԷՆԵՐԳԵՏԻԿ ԵՆԹԱԿԱՌՈՒՑՎԱԾՔՆԵՐԻ ԵՎ ԲՆԱԿԱՆ
ՊԱՇԱՐՆԵՐԻ ՆԱԽԱՐԱՐՈՒԹՅԱՆ ԶՐԱՅԻՆ ԿՈՄԻՏԵԻ ԿՈՂՄԻՑ
ԻՐԱԿԱՆԱՑՎԱԾ ՖԻՆԱՆՍԱՏՆՏԵՍԱԿԱՆ ԳՈՐԾՈՒՆԵՈՒԹՅԱՆ
ՎԵՐԱԲԵՐՅԱԼ**

**Հաշվեքննության
հիմքը
Հաշվեքննության
օբյեկտը**

ՀՀ հաշվեքննիչ պալատի 2018թ. հունիսի 25-ի թիվ 4/16 որոշում
ՀՀ էներգետիկ ենթակառուցվածքների և բնական պաշարների նախարարության ջրային կոմիտե:

**Հաշվեքննության
առարկան**

ՀՀ էներգետիկ ենթակառուցվածքների և բնական պաշարների նախարարության ջրային կոմիտեի կողմից իրականացված ֆինանսատնտեսական գործունեությունը:

**Հաշվեքննությունն
ընդգրկող
ժամանակաշրջանը**

2017 թվականի հունվարի 1-ից մինչև 2018թ. սեպտեմբերի 30-ը ներառյալ:

**Հաշվեքննության
կատարման ժամկետը**

2018թ. հուլիսի 6-ից մինչև 2019թ. մարտի 29-ը ներառյալ:

**Հաշվեքննության
մեթոդաբանությունը**

Իրականացվել է համապատասխանության հաշվեքննություն, որի ընթացքում կիրառվել են հարցման, արտաքին հաստատման, վերլուծական, վերահաշվարկման և վերակատարման ընթացակարգերը:

**Հաշվեքննություն
իրականացնող
կառուցվածքային
ստորաբաժանում
Ստուգման հիմքը**

Հաշվեքննությունն իրականացվել է ՀՀ հաշվեքննիչ պալատի երկրորդ վարչության կողմից, որի աշխատանքները համա-կարգում է Հաշվեքննիչ պալատի անդամ Դավիթ Չիբուխչյանը:

ՀՀ հաշվեքննիչ պալատի 2018թ. սեպտեմբերի 19-ի թիվ 9/7 որոշում:

Ստուգման օբյեկտը

ՀՀ էներգետիկ ենթակառուցվածքների և բնական պաշարների նախարարության ջրային կոմիտեի «Ջրառ» ՓԲԸ:

Ստուգման առարկան

ՀՀ էներգետիկ ենթակառուցվածքների և բնական պաշարների նախարարության ջրային կոմիտեի «Ջրառ» ՓԲԸ-ի կողմից իրականացված ֆինանսատնտեսական գործունեությունը:

**Ստուգումն ընդգրկող
ժամանակաշրջանը**

2017 թվականի հունվարի 1-ից մինչև 2018թ. սեպտեմբերի 30-ը ներառյալ:

**Ստուգման
կատարման ժամկետը**

2018 թվականի սեպտեմբերի 27-ից մինչև 2019թ. մարտի 29-ը ներառյալ:

**Ստուգման
մեթոդաբանությունը**

Իրականացվել է համապատասխանության հաշվեքննություն, որի ընթացքում կիրառվել են զննման, դիտարկման, հարցման, արտաքին հաստատման, վերլուծական, վերահաշվարկման և վերակատարման ընթացակարգերը:

I. ՀԱՇՎԵՔՆՆՈՒԹՅԱՆ ԿԱՐԾԻՔ

Մենք հաշվեքննության ենք ենթարկել ՀՀ էներգետիկ ենթակառուցվածքների և բնական պաշարների նախարարության ջրային կոմիտեի կողմից 2017 թվականի հունվարի 1-ից մինչև 2018 թվականի սեպտեմբերի 30-ը ներառյալ իրականացված ֆինանսատնտեսական գործունեության համապատասխանությունն իրավական ակտերին, ինչպես նաև քաղաքացիաիրավական հարաբերությունների շրջանակներում կնքված այլ գործարքներով սահմանված չափանիշներին և պահանջներին:

Հաշվեքննողի պատասխանատվությունը

Մեր պատասխանատվությունն է անցկացված հաշվեքննության արդյունքում արտահայտել կարծիք ֆինանսատնտեսական գործունեության՝ իրավական ակտերին, ինչպես նաև քաղաքացիաիրավական հարաբերությունների շրջանակներում կնքված այլ գործարքներով սահմանված չափանիշներին և պահանջներին համապատասխանության վերաբերյալ:

Մենք հաշվեքննությունն անցկացրեցինք «Հաշվեքննիչ պալատի մասին» ՀՀ օրենքի, համաձայն: Մենք հետևեցինք վարքագծի սկզբունքների պահանջներին և հաշվեքննությունը պլանավորեցինք և իրականացրեցինք այնպես, որպեսզի ձեռք բերենք ողջամիտ երաշխիք առ այն, որ ֆինանսատնտեսական գործունեության իրականացումը զերծ է էական անհամապատասխանություններից:

Հաշվեքննության ընթացակարգերի ընտրությունը կախված է հաշվեքննողի դատողությունից, ներառյալ՝ անհամապատասխանության հետևանքով ջրային կոմիտեի կողմից իրականացվող գործընթացի էական անհամապատասխանության ռիսկերի գնահատումը:

Մենք գտնում ենք, որ ձեռք ենք բերել բավարար համապատասխան հաշվեքննության ապացույցներ մեր կարծիքի հիմնավորման համար:

Ոչ լիարժեք եզրահանգման հիմք

Հաշվեքննությամբ պարզվել է, որ՝

ա/ ՀՀ էներգետիկ ենթակառուցվածքների և բնական պաշարների նախարարության ջրային կոմիտեի կողմից իրականացված ֆինանսատնտեսական գործունեությունում առկա են անհամապատասխանություններ ՀՀ օրենսդրության պահանջների հետ, մասնավորապես՝ ՀՀ կառավարության 2016թ.-ի օգոստոսի 25-ի թիվ 33 արձանագրային որոշման 1-ին կետի 1-ին ենթակետով հավանության արժանացած հավելված 1-ով սահմանված ոռոգման ոլորտի ֆինանսական կայունության բարելավման ռազմավարությամբ սահմանված պայմանները, նախապայմանները և համապատասխան մեխանիզմները չեն սահմանվել դրամաշնորհային պայմանագրերով, իսկ չափաքանակները և դրանցում կատարված փոփոխությունները սահմանվել են Կոմիտեի նախագահի հրամաններով:

բ/ ՀՀ կառավարության 2016թ.-ի օգոստոսի 25-ի թիվ 33 արձանագրային որոշմամբ նախատեսվել է ոռոգման համակարգի ընկերությունների կրեդիտորական պարտքերի վերակառուցման ծրագրի մշակում և ներկայացում ՀՀ կառավարություն, ինչի արդյունքում պետք է ապահովվեր ԶՕԸ-երի պարտքերից զերծ գործունեությունը՝ սկսած 2017 թվականից: Տվյալ ծրագիրը ներկայացվել է կառավարություն, սակայն չի հաստատվել:

գ/ Սուբսիդիայի պայմանագրերը կնքվել են չպահպանելով ՀՀ կառավարության 2003 թվականի դեկտեմբերի 24-ի թիվ 1937-Ն որոշմամբ հաստատված ՀՀ պետական բյուջեից իրավաբանական անձանց սուբսիդիաների և դրամաշնորհների հատկացման կարգը: Մասնավորապես, պայմանագրերում չեն սահմանվել որոշմամբ նախատեսված նվազագույն շահավետ գնի վերաբերյալ նշումներ, ինչպես նաև առավելագույն քանակի փոփոխման պայմանների վերաբերյալ դրույթներ:

դ/ Չեն պահպանվել ԶՕԸ-երի հետ կնքված դրամաշնորհային պայմանագրերի 2.4.8-րդ կետի պահանջները, այն է ԶՕԸ-երը պարտավոր են ծրագրի իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» ՀՀ օրենքով սահմանված կարգով՝ պետության կարիքների համար կատարվող գնումների կանոններին համապատասխան:

ե/ Մատակարարված ոռոգման ջրի գանձումը չի համապատասխանում ՀՀ կառավարության 2002 թվականի դեկտեմբերի 26-ի թիվ 2121 որոշմամբ հաստատված ոռոգման ջրի մատակարարման օրինակելի պայմանագրով նախատեսված կարգին:

զ/ Արփա-Սևան թիվ 2 թունելում առանձին վթարային հատվածների հիմնանորոգման աշխատանքների նախահաշվային փաստաթղթերը չեն կազմվել օրենսդրությամբ նախատեսված ընթացակարգերով:

է/ ՀՀ կառավարության 2002 թվականի դեկտեմբերի 26-ի թիվ 2121 որոշմամբ սահմանված կարգով «Զրառ» ՓԲԸ-ի կողմից չի հաշվառվում ջրաղբյուրից իր կողմից իրականացված ջրառի չափերը, ինչի արդյունքում չեն պահպանվում վերոնշյալ որոշման պահանջները:

ը/ «Զրառ» ՓԲԸ-ի և ՀԷԿ-երի միջև կնքված ջրի մատակարարման վճարովի ծառայությունների մատուցման, ջրօգտագործման, ինչպես նաև վճարովի ծառայությունների մատուցման պայմանագրերի գները որոշվում են հայեցողական՝ առանց պայմանագրային արժեքների սահմանման, ընտրության մեթոդիկայի և/կամ Ընկերության Ժողովի կողմից հաստատված որևէ փաստաթղթի կամ իրավական ակտի:

թ/ «Զրառ» ՓԲԸ-ի կողմից չեն կազմվել ՀՏԿ-ների անվտանգության հայտարարագրեր, որոնց կազմումը պարտադիր է ՀՀ կառավարության 2003 թվականի հուլիսի 31-ի թիվ 957-Ն որոշմամբ:

Ոչ լիարժեք եզրահանգում

Մեր կարծիքով, բացառությամբ «Ոչ լիարժեք եզրահանգման հիմք» պարագրաֆում նկարագրված հարցի հնարավոր ազդեցության՝ ՀՀ էներգետիկ ենթակառուցվածքների և

քնական պաշարների նախարարության ջրային կոմիտեի ֆինանսատնտեսական գործունեությունը, բոլոր էական առումներով, համապատասխանում է իրավական ակտերին, ինչպես նաև քաղաքացիաիրավական հարաբերությունների շրջանակներում կնքված այլ գործարքներով սահմանված չափանիշներին և պահանջներին:

Դավիթ Չիբուխյան՝

ՀՀ հաշվեքննիչ պալատի անդամ

29 մարտի 2019 թվական

ՀՀ հաշվեքննիչ պալատ,

Բաղրամյան փող. 19, ք. Երևան, Հայաստան

II. ԸՆԴՀԱՆՈՒՐ ՄԱՍ

Ոռոգման ծառայություններ մատուցող ընկերություններին ֆինանսական աջակցության վերաբերյալ

ՀՀ էներգետիկ ենթակառուցվածքների և բնական պաշարների նախարարության ջրային տնտեսության պետական կոմիտեի (այսուհետ՝ Կոմիտե) ոռոգման ծառայություններ մատուցող ընկերություններին ֆինանսական աջակցության ծրագրով 2017թ.-ի ընթացքում նախատեսվել է հատկացնել 5,207,500 հազ. դրամ, որը տարեկան ճշտված պլանով կազմել է 5,253,110 հազ. դրամ:

Կոմիտեի նախագահի 15.02.2017թ.-ի թիվ 31-Ա հրամանով հաստատվել են 2017 թվականի ընթացքում ըստ ջրօգտագործողների ընկերությունների (այսուհետ՝ ՋՕԸ) պետական ֆինանսական աջակցության չափաքանակները: 2017թ.-ի ընթացքում 14 ՋՕԸ-երին հատկացվող գումարներում կատարվել են 4 փոփոխություններ, որի արդյունքում հատկացվող գումարը կազմել է 5,253,110 հազ. դրամ:

2017թ.-ի ընթացքում Կոմիտեին հատկացված 5,253,110 հազ. դրամ գումարից «Հայաստանի էլեկտրական ցանցեր» ՓԲԸ-ի հետ կնքված երկու դրամաշնորհային պայմանագրերով վճարվել է 500,000.0 հազ. դրամ գումար՝ թվով 11 ՋՕԸ-երի հոսանքի ծախսերի դիմաց: Կատարված փոփոխությունները և կնքված պայմանագրերով հատկացված գումարները ներկայացված են աղյուսակ 1-ում՝

Աղյուսակ 1

2017 թվականի ընթացքում ըստ ջրօգտագործողների ընկերությունների պետական ֆինանսական աջակցություն

ՀՀ	Անվանում	Գումար նախնական 15.02.2017թ.-ի 31 Ա	Գումար փոփոխված 10.04.2017թ.-ի 66Ա	Գումար փոփոխված 26.10.2017թ.-ի 173Ա	Գումար փոփոխված 07.11.2017թ.-ի 179Ա	Գումար փոփոխված 20.12.2017թ.-ի 204Ա	Էլ ցանցին կոմիտեից վճարված ըստ ՋՕԸ-ների
1	Երևան	139,000,000	139,000,000	139,000,000	139,000,000	139,000,000	49,000,000
2	Արտաշատ	834,960,000	834,960,000	834,960,000	834,960,000	874,960,000	80,000,000
3	Արարատ	603,950,000	603,950,000	603,950,000	603,950,000	603,950,000	-
4	Արմավիր	1,359,900,000	1,289,900,000	1,289,900,000	1,325,176,700	1,325,176,700	150,000,000
5	Շենիկ	42,610,000	112,610,000	112,610,000	112,610,000	112,610,000	-
6	Արագածոտն	63,470,000	63,470,000	63,470,000	63,469,300	63,469,300	14,750,000
7	Թալին	544,100,000	544,100,000	544,100,000	544,100,000	558,100,000	10,000,000
8	Կոտայք	403,170,000	403,170,000	403,170,000	403,170,000	372,533,900	50,250,000
9	Գեղարքունիք	409,860,000	409,860,000	399,860,000	364,584,000	364,584,100	40,000,000
10	Շիրակ	87,680,000	87,680,000	87,680,000	87,680,000	109,926,000	10,000,000
11	Տավուշ	316,330,000	316,330,000	316,330,000	316,330,000	316,330,000	60,000,000
12	Լոռի	109,440,000	109,440,000	109,440,000	109,440,000	109,440,000	10,000,000
13	Եղեգնաձոր	41,480,000	41,480,000	41,480,000	41,480,000	41,480,000	-
14	Սյունիք	251,550,000	251,550,000	261,550,000	261,550,000	261,550,000	26,000,000
Ընդամենը		5,207,500,000	5,207,500,000	5,207,500,000	5,207,500,000	5,253,110,000	500,000,000